

雜 俎

光緒三十四年正月中國事紀

△爲記者知此事之見於是日也
△爲記者以見報之在是日也

正月初一日。△以醇親王載灃補授軍機大臣。△賞醇親王載灃。大學士世續。外務部尙書袁世凱。西苑門內乘輿。初四日。△駐京各使入覲。△粵省海關緝獲日輪二辰丸私運大宗軍火。△定考驗外官章程。次等者降補。下等者休革。初五日。△巡緝長江滇提夏辛酉卒。△皖藩連甲丁艱開缺。初六日。△學部令各省留學生之賞給舉人進士出身者。一律補應。廷試。初八日。△賞予告大學士王文韶太子太保銜。以鄉舉重逢也。△命姜桂題接統夏辛酉軍。專防長江。撤銷江浙剿臬事。初九日。△已革提督董福祥卒。初十日。△中俄合訂吉林森林條約。十一日。△前晉撫

胡聘之革職。其隨同辦事之江蘇候補道賈景仁。革職永不敘用。已革知府劉鶚。一併永不敘用。以其爲盜賣晉鑛之罪魁也。十二日。△以高凌霨補授湖北提學使。十三日。△撥帑銀五十萬兩發交京城商號平銀價。△令各省銅圓局加鑄三成一文錢。以濟錢荒。十四日。△墨西哥設領事於漢口。十五日。△以沈曾植補授安徽提學使。兼署安徽布政使。△政府電告駐法使臣劉式訓。照請法外部封禁新世紀報。法外部不允。△日本海軍省。准留學日本商船學校畢業生。分入各軍艦實行練習。十六日。△以吳同甲補授安徽提學使。△外務部電告駐藏大臣張蔭棠議訂江孜商約。聲明領事署護兵不得逾二十人。十七日。△農工商部通咨駐外各使調查種棉法。十八日。△日使要請外務部轉告粵督張人駿釋放日輪二辰丸。並索賠償。十九日。△江南甯軍暨各路防營。大挫梟匪於楓樹陣。斃匪首夏竹林。△漢報館被封。二十日。△都察院御

雜 俎

光緒三十四年正月中國事紀

史陸寶忠。以戒煙淨盡。回任供職。▲以馬安良調補甘肅新疆巴里坤鎮總兵。以周玉坤補授伊犁鎮總兵。二十一日。△日人欲造輕便鐵路於會甯一帶。東督徐世昌。電請外務部照會日使禁阻。△外務部通飭各稅關嚴查外洋銅餅入口。以維國法。二十二日。▲滇藩劉春霖開缺另簡。▲以沈秉堃補授雲南布政使。魏景桐補授雲南按察使。▲以方致祥補授貴州威甯鎮總兵。△俄開萬國建築圖繪博覽會於聖彼得堡。俄使照請派員赴會。二十三日。△汕頭德人招募華工往薩摩島。外務部電令粵督張人駿查禁。二十四日。▲賞予告吉林將軍銘安太子少保銜。以鄉舉重達也。▲廣西提督丁槐開缺另簡。遺缺以龍濟光署理。二十五日。▲賞貝勒毓朗三眼花翎。命在御前行走。鎮國公溥佑。命在乾清門行走。▲以袁樹勛補授民政部左侍郎。▲以凌福彭補授順天府府尹。未到任前。暫以袁樹勛兼署。▲以張鎮芳補授直隸長蘆鹽運使。二

八

二月

日十六。▲以張勳補授雲南提督。▲粵路郭塘新街兩站開車。二十七日。▲以田振邦補授四川建昌鎮總兵。二十八日。△各使反對新定礦律。迫請緩行。二十九日。△郵傳部奏定鐵路地稅章程。三十日。△度支部奏定銀行則例。